



Infuormaziuns schner 2026

Stimats genituors

Fingia darcheu ha cumanzà ün nouv on. Nus giavüschain a tuottas e tuots, adonta da la situaziun actuala in oters lös na uschè allegraivla, ün bun di bun on e tuot il bun pel 2026. Nus vain plaschair da pudair instruir e sustgnair inavant a nossas scolaras e noss scolars d'ürant las ultimas eivnas dal 1. semester e natüralmaing eir d'ürant tuot il rest da l'on da scoula.



Evaluaзиun externa da la scoula da Scuol

In avuost da l'on passà ha la scoula infuormà davart l'evaluaзиun externa da la scoula da Scuol ed in october ha Lur figlia o Lur figl manà a chasa üna charta cun ün QR-code per implir oura ün questiuari online davart l'andamaint in scoula. Sper ils genituors han eir ils uffants e tuot il persunal da scoula gnü la pussibiltà da dar cuntshaint da maniera anonimisada lur vista da la scoula cun respunder differentas dumondas. La scoula es gnüda infuormada da l'inspectorat da scoula davart quists resultats ed a man da quists eschna eir gnüts cusgliats a regard masüras per sviluppar inavant la scoula. Nus lessan eir ingrazchar ad Els cordialmaing chi sun gnüdas fattas 196 indattaziuns da genituors, quai chi correspuonda ad üna quota da 79% dals genituors chi han respus als questiuaris. Grazcha fich per quist sustegn.

Nus lessan in quist'occasiun dar infuormaziuns davart ils aspets gnüts evaluats.

Clima da scoula: Nus vain grond plaschair cha 90% dals genituors e dafatta 95% dals uffants han dat resposta chi's saintan bain o fich bain in nossa scoula. 84% dals genituors manzunan chi sajan cuntaints o fich cuntaints culla scoula e dafatta 95% manzuna cun ün ++ o ün + cha la relaziun tanter scoula e genituors saja segnada da stima e respet. Grazcha fich per quista fiduzcha. Üna buna relaziun e collavuraziun tanter scoula e genituors es da fich grond'importanza pel svilup da l'uffant.

Relaziun tanter pèr: La scoula publica dess esser ün lö da convivenza e scolaziun per tuot ils uffants, independentamaing da la derivanza, dals interess, da la religiun, da mat/matta, da la constituзиun fisica, dal manster dals genituors etc. In uschè gruppas eterogenas esa evidaint chi nu s'es adüna da listess maniamaint e chi dà qua o là eir tscherts conflicts. S-chars ¾ dals genituors (72%) sun da l'avis cha quai gnia respettà bain o fich bain. I tocca pro l'incumbenza da persunas d'instrucziun chi ston eir gnir scholts tscherts conflicts. Là ha muossà l'evaluaзиun dals genituors cha 2% dals genituors nu sun cuntaints co cha quai vain fat e 30% be per part cuntaints. Nus eschan cuntaints cha la piazza da lavuraint social da scoula ha darcheu pudü gnir occupada ed i'ns fa plaschair da comunicar in quist lö da maniera cumpacta cha a partir da schner han surtut duonna Marisa Unholz e sar David Fischer quist'incumbenza e stan a disposiziun a genituors in cas chi han dabsögn dad ulteriurs sustegns. La preschantaziun da las duos persunas segua illa Gazetta da scoula in gün. Ulteriuras infuormaziuns davart lur sporta seguan directamaing tras las persunas d'instrucziun da classa.

Lavurar cun indrizs digitals: La constataziun da l'inspectorat vain formulada cul sequaint titel: „L'adöver da medias ed informatica ill'instrucziun a Scuol es fich buna“. La lavur cun indrizs digitals sta adüna daplü i'l center da l'instrucziun, quai chi han constatà eir ils genituors. Indrizs digitals sun üna schanza per sustgnair l'imprender, ma eir üna sfida chi's sto as esser consciaint da ris-chs e privels. S-chars la mità dals genituors (48%) es persvas cha la persuna d'instrucziun tematisescha quist fat adüna darcheu ill'instrucziun. 27% nun ha savü/pudü dar quia infuormaziuns e 25% vezza quia potenzial per amegldrar. La prevenziun in quist connex es in mincha cas da grond'importanza e dess gnir intensivada in avegnir. Nus eschan però eir fich dependents cha genituors ans sustegnan quia cun controllar e limitar l'adöver da medias digitalas e socialas. Cussagls in chosa as chatta eir sün nossa pagina dad internet www.scoula-scuol.ch/formulars/colliamaints-lincs-per-genituors/.

Instrucziun: Ün punct central da quist'eivna es statta l'instrucziun da las magistras e'ls magisters. Quella es gnüda valütada cun visitas d'instrucziun. L'inspectorat ha tematisà las lecziuns cullas singulas persunas d'instrucziun e dat inavant rebombs persunals a minchüna e minchün. Las valütaziuns media preschantà a tuot la scoula sun: „Ils cuntgnüts d'instrucziun vegnan tschernüts e tematisats bain illa scoula da Scuol“, „L'activaziun cognitiva illa scoula da Scuol es in general buna“ e „La pratcha cull'eterogenità illa scoula da Scuol es per gronda part buna“.

Collavuraziun e promoziun da sandà: Plü bod d'eiran magistras e magisters suvent cumbattants singuls o cul pled tudais-ch chi'd es plü frequent „Einzelkämpfer“. Quai s'ha müdà enormamaing d'urant ils ultims decenns e la collavuraziun aint il team es dvantada fisch centrala per chi funcziuna in üna scuola. Eir la sandà corporala e psichica ha survgni ils ultims ons ün pais adüna plü important. Cun persunal e scolaras e scolars chi stan bain in scuola, chi's chattan frisks, funcziuna l'andamaint bler plü bain. Id es important cha quists aspets vegnan eir adüna darcheu trattats e vivüts in chasa da scuola. L'inspectorat ha valütà quists duos puncts seguaintamaing: „*La collavuraziun illa scuola da Scuol es buna*“ e „*La sensibilisaziun per la promoziun da sandà es buna illa scuola da Scuol*“.

Per finir lessa ingrazchar a l'inspectorat da scuola per sia lavur e seis sustegn ed impustüt eir a nos patrun da lavur, al cumün da Scuol, rapreschantà in prüma lingia dal cussagl da scuola, e finalmaing eir a tuot las votantas e'ls votants da Scuol chi demuossan adüna bainvuglientscha e sustegn invers la scuola cun trar decisiuns a favur da la prosma generaziun.

Chalender d'occurrenz

Tuot ils termins relevants per tuot la scuola o plüssas classas chattan Els i'l chalender d'occurrenz publichà sül la pagina d'internet. Infurmaziuns specificas chi pertocan la classa da Lur uffant, vegnan dattas inavant directamaing da las magistras e dals magisters da classa.




In quist lö lessna trar attent a la situaziun pro **dis da scolaziun obligatorics** per magistras e magisters, chi han lö tenor directives chantunales adüna almain pella mità d'urant il temp d'instrucziun. I's tratta per regla üna fin duos jadas l'on dad ün marcurdi avantmezdi cha'ls uffants nun han instrucziun. Quist dis comunichaina subit chi sun cuntshaints sün nossa pagina d'internet e pudain uschè dar als genituors la pussibiltà da s'organisar bod avuonda schi vöglan far alch insemel cun lur uffants e nu ston perquai retrar ün di da joker o pon reglar quai cun ün o tschel paraint o cuntshaint.

Nus ans eschan però consciaints cha quai nun es pussibel per tuots e chi s'es cuntaint d'avair eir üna pussibiltà da laschar ir a l'uffant in ün lö chi vegnan survegliats. La scuola es però dependenta cha uschè annunzchas gnian bod avuonda chi's possa eir organisar lura quist avantmezdi. Quai po esser in collavuraziun culla Chüra Cumbinella (structuras dal di da la scuola da Scuol), cun famiglias dal di externas o eir cun surveglianza in otras classas (pro scolaziuns chi nu pertocan a tuot las personas d'instrucziun).

Nus indichain perquai üna data fin cur chi sto gnir fatta uschè ün'annunzcha in scrit (e-mail) pro'l secretariat da scuola (secretariat@scuola-scuol.ch) e lain trar attent chi nun es lura plü pussibel da s'annunzchar davopro our da motivs d'organisaziun. Quella data es per regla 2 eivnas avant l'evenimaint s'vess e publichada sül la pagina d'internet da las scoulas da Scuol. I nun es neir na pussibel da be s'annunzchar directamaing pro la Chüra Cumbinella, quai sto ir tras la scuola.

Proxima data chi pertokess quista situaziun: **marcurdi, 22 avrigl 2026**, di da scolaziun da tuot las personas d'instrucziun dal cumün da Scuol. Termin d'annunzcha pella surveglianza quel avantmezdi: **marcurdi, 8 avrigl 2026**.

Amiaivels salüds



Mario Rauch, manader da scuola

Sustegn per traducziuns

Il colliamaint (linc) a la fin da quist'alinea pudess esser ün sustegn per personas chi nun inclegian uschè bain rumantsch e douvran üna traducziun in ün'otra lingua, chi'd es tant inavant acceptabla. → <https://supertext.com/de/> o <https://www.deepl.com/de/translator>

Bemerkung: Die allgemeine Korrespondenz der Gemeindeschule Scuol wird nur in der offiziellen Gemeindesprache verfasst, d. h. auf Romanisch. Das Schulsekretariat steht aber gerne zur Verfügung, um Eltern anderer Sprachen, telefonisch genauere Auskünfte zu geben. Die offiziellen Öffnungszeiten des Schulsekretariats sind in der „Gazetta da scuola“ publiziert.

Nota: A correspondência que a escola manda a todos os pais é escrita com a língua oficial da cumuna, ou seja o rumantsch. O secretariado da escola está á disposição das encarregados de educação em caso de duvidas. O horario do secretariado está publicado em „Gazetta da scuola“.